

Ներել ինչպես Նեփին

Այգեան չէր ուզում մշտապես
զայրացած լինել Ջոշի վրա:



Նոել Լամբերթ Բարուս
(Հիմնված է իրական պատմության վրա)

Այս պատմությունը տեղի է ունեցել ԱՄՆ-ում:

Այգեան վազեց և գնդակը
փոխանցեց իր թիմակից՝
Թիմոթին: Նա տեսավ, թե ինչպես
է Թիմոթին ոտքը հետ տանում
և գնդակը խփում դարպասի
ուղղությամբ:

«Գոլ», - Բղավեց Թիմոթին, երբ
գնդակը դիպավ ցանցին:

Այգեան ուրախացավ: Նրանք
հաղթել էին խաղը:

Երբ նա դուրս էր գալիս
խաղադաշտից, իրեն հիանալի
էր զգում: Բայց հետո մյուս թիմի
երեխաներից մեկը՝ Ջոշը, նրան
վիրավորական խոսք ասաց:

Այգեան զարմացավ և
վիրավորվեց: Նա չգիտեր, թե ինչ
ասեր: Նա ներքև նայեց և դանդաղ
քայլեց իր թիմակիցների մոտ:

«Մենք դա արեցինք», - ասաց
Թիմոթին: «Հրաշալի փոխանցում
էր, Այգեա»:

Բայց Այգեան ուրախ չէր: Ոչ թե
այդ խոսքի պատճառով, որ Ջոշն
ասաց: Նա տխուր էր և զայրացած:

Այդ օրվա երկրորդ կեսի ողջ
ընթացքում Այգեան այնպես էր
զգում, կարծես մի ծանր բեռ իրեն
ներքև էր քաշում: Նա Ջոշին այլևս
չէր սիրում:

Երեկոյան՝ սուրբ գրությունների
ժամին, Այգեան միացավ իր
ընտանիքին: Նա փորձում էր լսել,
երբ քույրը կարդում էր: Սակայն
նա չէր դադարում մտածել այն
մասին, թե ինչ ասաց Ջոշը:

Այգեան թերթեց իր Մորմոնի
Գրքի էջերը: Նա կանգ առավ 1



Նեփի գրքից մի հատվածի վրա:

Դա այն ժամանակի մասին էր, երբ
Նեփիի եղբայրները չարությամբ էին
վերաբերվում նրան:

«Եվ եղավ այնպես, որ ես անկեղծորեն
ներեցի նրանց», - ասվում է սուրբ
գրությունում:*

Արդյոք Նեփին ներեց իր եղբայրներին:
Մտածեց Այգեան: Նույնիսկ այն բանից
հետո, երբ նրանք այդքան չա՞ր էին իր
հանդեպ:

Այգեան մտածեց Ջոշի մասին: Նա չէր
ցանկանում հավերժ պահել Ջոշի հանդեպ
ունեցած իր վատ զգացմունքները: Նա
ընդամենը 10 տարեկան էր:

Այգեան ցանկանում էր Նեփիի նման
լինել: Նա կարող էր ներել Ջոշին, ինչպես
Նեփին ներեց իր եղբայրներին: Եվ եթե
Ջոշը նորից ինչ-որ ստոր բան ասեր, նա
պարզապես կխնդրեր նրան չասել:

Նա ջերմ ու խաղաղ զգացում ունեցավ
ներքուստ: Կարծես Սուրբ Հոգին ասեր.
«Դու ճիշտ ես վարվում»:

«Այգեա, դու ի՞նչ սովորեցիր այս սուրբ
գրություններից», - հարցրեց մայրիկը:

Այգեան բարձրացրեց աչքերը:
«Կներեք, ես այլ սուրբ գրություն էի
կարդում», - ասաց նա: Նա պատմեց
իր ընտանիքին, թե ինչ էր տեղի ունեցել
ֆուտբոլի խաղի ժամանակ:

Մայրիկն ու հայրիկը գրկեցին
Այգեային: «Լավ չէ, որ Ջոշը չար է եղել քո
հանդեպ», - ասաց հայրիկը: «Այն, ինչ նա
ասել է, ճիշտ չէ: Սակայն բնական է, որ
դու դրանից վիրավորվել ես:

Այգեան ժպտաց: «Շնորհակալություն:
Երկար ժամանակ ես շատ զայրացած
էի: Բայց հիմա, երբ կարդացի սուրբ
գրությունները, չեմ ուզում զայրացած
լինել նրա վրա: Ես ցանկանում եմ ներել
նրան: Եվ արդեն ինձ լավ եմ զգում»:

«Հրաշալի է», - մայրիկը նույնպես
ժպտաց: «Ներելը միշտ չէ, որ հեշտ է:
Բայց դու ճիշտ ես: Արժեք ներել»:

Այգեան նայեց իր սուրբ գրություններին:
Դրանք օգնեցին իրեն: Ծանր բեռի
զգացումն անցել էր: Փոխարենը՝ նրա
սիրտը ջերմացել էր և խաղաղվել: ●

*1 Նեփի 7:21